

Ilanngussaq 1



Inatsisartuni ilaasortanut
/Maani

**IIA2018-imi imm. 21-p siullermeerneqarnerani apeqqutinut allakkatigut
akissuteqaat.**

14-06-2018

Suliaq normu: 2017-24538

Allakkiaq normu: 30809567

Asasakka Inatsisartuni ilaasortat

IIA2018/21-p siullermeerneqarnerani Inatsisartuni oqallinnermut, taamatullu "Inuaqatigiit aningasaqaqnerannut kingunerisassanik misissueqqissaarneq, imm. 2" pillugu nalunaarusiamut nassiunneqartumut paasissutissat pillugit apeqqutinut aalajangersimasunut malitsigitillugu, matumuuna paasissutissat erseqqinnerusut nassiuppakka.

Postboks 909

3900 Nuuk

Tlf.: (+299) 34 50 00

E-mail: box909@nanor.gl

Fax: (+299) 34 63 56

www.naalakkersuisut.gl

Inatsisartuni oqallinnermi misissueqqissaarnermi paasissutissat peerneqartut pillugit apeqquteqartoqarpoq. Taamatuttaaq misissueqqissaarnerup tamanut ammasumik saqqummiunneqarneranut piffissaq pillugu apeqquteqartoqarpoq. Matuma kinguliani apeqqutit taakku akiniarsarissavakka.

Imm. 2-p tamanut ammasumik saqqummiunneqarnerani piffissaq

Misissueqqissaarnermi pineqartumi allagaatinik takunnissinnaatitaanissamut qinnuteqaatit arlallit suliarineqarnerinut atatillugu Naalakkersuisoqarfimma pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi (Pisortat ingerlatsinerannut inatsit) allagaatinik takunnissinnaatitaanissamut tassanilu ilaatitsiviunngitsunut aalajangersakkat naliliiffigai.

Allagaatinik takunnissinnaatitaanissamut qinnuteqaat akuerineqassanersoq inatsisilerituunit naliliiffigineqarpoq. Pisortat ingerlatsinerannut inatsimmi paasissutissanik, najoqqutassat oqaatsit arlallit atorlugit saqqummersimannginnerat peqqutiginnarluu allagaatinik takunnissinnaatitaanissamut aalajangersakkamut ilaatitsinnginnissaq tunngavissaqarinngilaq.

Imm. 2-mi allagaatinik takunnissinnaatitaanerup nalunaarutigineqarneranut piffissaliussap kinguartinneqannginnissaanut aalajangiineq, Folketingip Ombudsmandiata oqaaseqaataani 4. april 2018-imeersumi taperserneqarpoq. Tassani innuttaasoq allagaatinik takunnissinnaatitaanissamut pisinnaatitaffeqarpat, tamatuma pilertornerpaamik pinissaa aalajangersarneqarpoq. Tassalu oqartussaasut allagaatin politikkikku suliarineqarnissaasa tungaannut noqissinnaanngilaat. Ministerip nammineerluni nalunaarusiamik naalakkersuisut suliassaqfimmuit tunngasunik nalunaaruteqarnera pillugu tusagassiorfinnut nalunaarummut ilanngullugu nassiunnissaa kissaatigimmagu, Danmarkimi Ilinniartitaanermut Ilisimatusarnermullu Ministereqarfiup nalunaarusiamik tusagassioratumut nassiussinissaminut ullut qulit missaanni utaqqititsisimanera Folketingip Ombudsmandiata isornartoqartilluinnarpaa.

Imm. 2-mi tamanit pissarsiarineqarsinnaasumi paasissutissat peerneqartut pillugit
najoqquṭassanit taakkuluunniit ilaannit qanoq annertutigisut Kalaallit Airports A/S-ip
ingerlatsineranut niuerneranullu tunngasuni aningaasaqarnermut annertuumik
isumaqarnersut immikkut naliliiffingeqarpoq. Nalunaarusiap ilaani pineqartut taakku
pisortat ingerlatsinerat pillugu paasitinneqarsinnaatitaaneq pillugu Inatsisartut
inatsisaanni nr. 9-mi, 13. juni 1994-imeersumi § 12, imm. 1 nr. 2-mi maleruagassat
naapertorlugit allagaatinik takunnissinnaatitaanermut ilaatinneqanngillat.

Pissutsinut aalajangersimasunut naliliinermut atatillugu aalajangiunneqarpoq,
misissueqqissaarnermi Kalaallit Airports A/S-ip ingerlatsineranut niuneranullu tunngasut
paasissutissat ilaat suliffeqarfiup aningaasaqerneranut annertuumik pingaaruteqartut,
taamaattumillu Naalakkersuisoqarfiga aalajangerpoq, paasissutissat taakku Pisortat
ingerlatsinerannut inatsimmi § 12, imm. 1 nr. 2-mi allagaatinik takunnissinnaatitaanermut
peerniarlugit.

Tamatumunnga atatillugu ilisimatitsissutigisinnavaara, Naalakkersuisoqarfimma
misissueqqissaarnerup immikkoortuanut siullermut atatillugu taamatut allagaatinik
takunnissinnaatitaanissamut qinnuteqaatinik suliaqarnerani, Eqqartuussissuserisoqarfik
Malling & Hansen Damm suliami pineqartumi allagaatinik takunnissinnaatitaanissamut
ilaatitsiviunngitsunut aalajangersakkanik naliliiterteersimammagu.
Misissueqqissaarnerup immikkoortuani tullermi allagaatinik takunnissinnaatitaanissamut
atatillugu paasissutissanik piaarneqartunit amerlasuut inatsisilerituut tassunga
inerniliinerannik tunngaveqarput.

Tamatumunnga atatillugu naliliisoqarpoq, Kalaallit Airports A/S-ip sinneqartoortissaatut
naatsorsutigineqartut tamanit ilisimaneqalerpata, tamanna ingerlatseqatigiiffiup
taarsigassarsitsisinnasunut isumaqtiginninniarneranut ajoqutaasinnaasoq.
Taamaattumik taarsigassarsitsisinnasut taarsigassarsinissaq pillugu
isumaqtiginninniarsspiaat sioqqullugit missiliukkanik ilisimasaqalernissaat Kalaallit
Airports A/S-ip isumaqtiginninniarneri inissisimaneranik ajornerulersitsisussatut
ajornerulersitsisinnasutulluunniit tunngavagineqarpoq.

Kiisalu naliliisoqarpoq, qinigassatut allatut najoqquṭassami aningaasartutissat ilaasa
tamanit ilisimaneqalernissaat Kalaallit Airports A/S-ip sanaartukkat
suliariumannittussarsiuunnerini isumaqtiginninniarneri inissisimaneranut
ajoquisisinnasooq. Aningaasat allanneqartut tunngavigalugit Kalaallit Airports A/S-ip
sanaartugassanut aningaasaliissutissatut missiliorneqartut
nassaarineqarsinnaasussaanerat tamatumunnga peqqutavoq. Taamaallilluni
entreprenørit neqeroorouteqartut suliassanut neqeroorouteqannginnerminni Kalaallit
Airports A/S-ip nammineerluni missiliugaanik ilisimasaqalersinnaanerat
unammilleqatigiinnermik annikillitsinissaa annikillitsisinnaañeralunniit, tamatumalu
kingunerisaanik sanaartornermut akit qaffasinnerulernissaat tamatumunnga
tunngavagineqarpoq.

Paasissutissat peerneqartut ukununnga tunngasuupput:

Qupp. 31: Kalaallit Airports A/S-imi aningaasaatinut akileeqataassutit sinneqartoortillu,
kiisalu akileraarutinit pissarsiat.

Qupp. 32: Kalaallit Airports A/S-imi sinneqartoortit, kiisalu akileraarutinit pissarsiat.

Qupp. 33: Kalaallit Airports A/S-imi sinneqartoortit, kiisalu akileraarutinit pissarsiat.

Qupp. 34: Kalaallit Airports A/S-imi aningaasaatinut akileeqataassutit sinneqartoorutilu, kiisalu akileraarutinit pissarsiat.

Qupp. 39: Kalaallit Airports A/S-imi sinneqartoorutit, kiisalu akileraarutinit pissarsiat.

Qupp. 46: Kalaallit Airports A/S-imi sinneqartoorutit

Qupp. 51: Kalaallit Airports A/S-imi aningaasaatinut akileeqataassutit sinneqartoorutilu, kiisalu akileraarutinit pissarsiat.

Qupp. 52: Kalaallit Airports A/S-imi aningaasaatinut akileeqataassutit sinneqartoorutilu, kiisalu akileraarutinit pissarsiat.

Aammattaaq erseqqissaatigissavara, taakku aamma imm. 2-p tamanut ammasumik saqqummiunneqarnerani nassuaatigineqarmata.

Siullermeinermi oqaaseqartut saqqummiussaanni erserpoq, misissueqqissaarneq Inatsisartuni ilaasortanut agguanneqarmat nalunaarusiami titarneqarsimasut 24-iusut. Tamatumunnga atatillugu erseqqissaatigissavara, taakkunani taamaallaat paasissutissat pingasut, matuma siuliani allattukkat naapertorlugit nalunaarusiami assigiinngitsuni issuarneqarlutik saqqummiunneqartut pineqarmata.

Tassalu matumani pissutsit, Kalaallit Airports A/S-imi sinneqartoorutissatut aningasartutissatullu naatsorsuutigineqartunut tunngasut, taamaalillutilu suliani ataasiakkaani sanaartugassanut missingersuutinit piiarneqarsinnaasut pineqarput. Paasissutissat taakku ilaatinneqannginneri immikkut isigalugit misissueqqissaarnermi inerniliinerit atuarneqarnerinut, imaluunniit nalunaarusiamut ataatsimoortumik paasinninnissamut sunniuteqartussaanngillat.

Tamatuma saniatigut ilaasortanut ilisimatitsissutitut oqaatigisinnaavara, paasissutissat pineqartut tallimanngornermi 25. maj 2018-imi Nuummi Hotel Hans Egedemi isumasioqatigiinnersmi Deloitte-p saqqummiussaani "Kalaallit Airports A/S-imi aningaasat ingerlaaneri ilanngaaserikkat" pillugit immikkoortumut ataatsimut eqikkarneqarmata.

Naggasiutigalugu ilisimatitsissutigisinnaavara, misissueqqissaarneq piiaaffigineqanngitsoq tamarmiusoq soorunami 2018-imi immikkut ittumik ataatsimiinnersmi imm. 21-p suliarineqarneranut atatillugu Inatsisartut Aningaasaqarnermut Akileraartarnermullu Ataatsimiitaliaannut tunniunneqarumaarmat. Aamma misissueqqissaarneq peqquaasutut matuma siuliani taaneqartut peqqtigalugit soorunami isertuussatut suliarineqassaaq.

Inussiarnersumik inuulluaqqusillunga

Simon Simonsen